

## 163: Uhereye kera hose

---

1. Uhereye kera hose  
Yesu yamy' ari mw ijuru  
Ar' i buryo bg' Uhoraho, Ni yo  
Man' isumba vyose.
  
2. Urukundo rwiwe rwinshi  
Rwamuzanye mur' iyi si,  
Avuka nk' abandi bantu,  
Ashir' ubgan' arakura.
  
3. Akuze yigish' abantu  
Ivy' Imana vyiza vyose,  
Abarwaye bamwizeye  
Yabakiz' ivyago vyabo
  
4. Kandi yakiz' ibimuga  
Abibgiy' ijambo gusa,  
Yakor' abanyamibembe,  
Bamwizeye bagakira.
  
5. Kandi n'abari bapfuye  
Yashobora kubazura,  
Nta ho Yesu vyamwankira  
Gukiz' umunt' amwizeye.
  
6. Kand' ikirut' ivyo vyose  
Yakunda kubgir' aboro  
Ivy' urukundo rw' Imana,  
N'agakiza kadashira.
  
7. Maz' abantu babi cane  
Batemey' ivyo yavuze,

Baterwa n'ishari ryinshi  
Kumufata no kumwica.

8. Babamb' Umukiza wacu  
Ku musaraba w'isoni,  
Bamutoboy' ibiganza  
Yakirish' abababaye.

9. Nuko yaradupfiriye  
Ngw adukiz' ivyaha vyacu,  
Aja mu gishingo cacu;  
N'umunyarukundo rwinshi.

10. Kand' uz' ah' ar' amwizeye  
Ntiyobura kumwakira;  
Yarasezeranij' ati  
Sinzirukan' uj' aho ndi.

Visit us at [burundi.indirimbo.com](http://burundi.indirimbo.com)